

湖

南

通

志

(子)

船

學

PDG

劉先 周不疑

吳

長沙府

桓彝 徐熙 夏隆 虞授

衡州府

谷朗仲子 羅陵

永州府

黃蓋

常德府

潘潛

湖南通志卷一百六十 人物一 目錄

澧州

車浚

晉

長沙府

桓陵 王昌子式 易雄 虞悝弟望

桓雄 韓階 鄧騫子繁 王循

王毅子矩 徐璋 尹虞

衡州府

羅含 李義

永州府

唐諶 唐宏 唐岌 蔣珩

寶慶府

周崎 陳光

常德府

潘京 龔恢 伍朝 閻曾

龔元之

郴州

谷儉

澧州

周該 車允

湖南通志卷一百六十 人物一 目錄

南北朝宋

永州府

蕭孝子

常德府

龔祈

齊

長沙府

徐普濟

衡州府

何宏

永州府

譚宏寶

唐獻之

常德府

鄧綬

黃閔

永州府

董巒

梁

常德府

伍安貧

湖南通志

卷一百六十

人物一 目錄

郴州

廖冲

澧州

陰子春

韓望

陳

長沙府

歐陽頴

弟盛 子紇 室

穆和

衡州府

鄧正直

澧州

陰鏗

周

澧州

陰顯

湖南通志

卷一百六十

人物一 目錄

六

十八

湖南通志卷一百六十

人物志一

秦

羅孝子羅縣人今湘陰平江地父君用爲武陵令督運鐵船沒於洞庭孝子年十二與其姊循涯求父尸不獲皆赴水死後人每於陰雨時見其姊弟抱父尸湖上隨波往來雲氣覆之因建祠以祀宋元豐間敕封孝感侯一統志增

漢

長沙府

梅銷益陽人

漢書無本貫明統志作安化人今仍舊志作益陽

吳芮之將也沛公初攻

湖南通志

卷一百六十

人物一

秦漢

一

川人

南陽遇銷與偕攻析酈降之及項羽相持以芮功多封爲衡山

王而銷亦封十萬戶爲列侯羽死高祖以銷率百越從入武關

有功故德芮徙爲長沙王而銷從之所居曰梅山以其姓爲名

漢書吳芮傳

羅宏長沙人元封五年置交州部刺史察所部郡國治所在蒼

梧郡往刺史多以荒遠行部罕徧部吏因得恣其貪殘宏爲刺

史春行恩惠徧慰所部咨詢疾苦太守多解綬請罪宏廉實舉

發負殘敘述

史記

古初長沙人父喪未葬鄰人失火初簡簡柩上以身捍火火爲

之滅太守卹輒異之以爲首舉

後漢書卹傳

祝良字邵卿從參傳注卿作平臨湘人聰明博學有才幹以廉

平稱順帝時爲洛陽令值大旱暴身自責雨如注太尉龐參妻

疾前妻子投於井殺之良率吏卒入太尉府按實上參罪狀有

司以不先聞奏輒折辱宰相坐繫詔獄洛陽吏人守闕請代其

罪日數千人詔原之永和二年日南徼外蠻反李固薦良勇決

可任遂以并州刺史拜九真太守良單車入賊中設方略招以

威信降者數萬皆爲良築起府寺嶺外復平謝承漢書龐參傳

劉壽字均長後漢書順帝紀注均作伯臨湘人官至太尉少遇相歸曰君鼻

大當貴順帝時爲洛陽令歲旱祈雨不得暴身階庭告誠引罪

自辰至午甘雨登降人爲之歌曰天久不雨蒸人失所精誠感

湖南通志

卷一百六十

人物一

漢

二

又

應滂字子高

長沙舊傳

文虔字仲孺長沙人爲郡功曹時霖雨廢民業太守憂愔召虔

補戶曹掾虔奉教齊戒在社三日夢白頭翁謂曰爾來何遲虔

具白所夢太守曰昔禹夢青繡衣男子稱滄水使者禹知水脈

當通若據此夢將其比也明日果大霽長沙舊傳

虞芝長沙人州辟南陽從事太守張忠連姻王室罪名入重芝

依法執按刺史畏勢召芝芝曰吾年往志盡譬如八百錢馬死

生同價且欲立效於明時耳遂投傳去長沙舊傳

陳平子長沙人與范式同在太學未相見而平子被病將亡謂

其妻曰吾聞山陽范巨卿烈士也可以託死吾歿後但以屍埋

巨卿戶前乃裂素爲書以遺巨卿既終妻從其言時式出行適還省書見瘞愴然感之向墳揖哭以爲死友乃營護平子妻兒身自送喪於臨湘非范漢書西五里委素書柩上哭別而去後漢書

夏侯叔仁長沙人氏族單微丁母憂居喪過禮同郡徐元休弱冠知名聞而弔焉旬日之中積刺盈案長沙者舊傳

吳巨長沙人建安十六年爲蒼梧太守吳遣步騭爲交州刺史將武吏四百人之州道路不通巨擁眾五千騭疑巨先使諭巨

巨迎之於零陵遂得進州巨既納騭後悔騭以兵少恐不存立巨有都督區景勇略與巨同士爲用騭惡之陰使人請巨巨往

告景勿詣騭騭請不已景又往乃俱斬於聽事以首徇眾騭既

湖南通志卷一百六十人物一漢

殺巨合兵二萬下取南海蒼梧人衡殺錢博宿臣部伍興軍逆

騭戰於高要峽口殺等敗投水死者千餘人交廣春秋

區景長沙人爲交州刺史張津將津死復爲蒼梧太守吳巨都

督建安十六年爲步騭誘害吳志水經注交廣春秋廣韻

衡州府

蔡倫字敬仲耒陽人傳作桂陽人今從舊志作耒陽後漢耒陽縣屬桂陽郡永平末給事

宮掖和帝卽位轉中常侍與參帷幄倫有才學盡心敦愼數犯

顏匡弼得失每至休沐輒閉門絕賓客後遷尙方令自古書契

多編以竹簡其用縑帛者謂之爲紙縑貴而簡重並不便於人

倫乃造意用樹膚麻頭及敝布魚網以爲紙元興元年奏上之

帝善其能自是莫不從用焉故天下咸稱蔡侯紙元初元年封龍亭侯邑三百戶後爲長樂太僕四年詔選通儒謁者劉珍及博士良史各詣東觀讎校漢家法令倫監典其事後坐事飲藥而死國除本傳後漢書

李融字元考雋陽人爲固始侯相爲政得民心屢致祥瑞甘瓜

六子共莖璽書慰勞遷廣漢太守零陵先賢傳

胡紹字伯蕃耒陽人爲河內懷令三十一視事十日一詣倉受

俸米於閭外炊作乾飯食之不設釜竈得一強盜問其黨與得

數百人誅之政教清平爲三河表初紹爲縣門下幹迎太守許

荆荆足下中風使紹抑之紹視荆蹠下而笑荆怒問之紹曰見

湖南通志卷一百六十人物一漢

明府蹠下有黑子紹亦有故爾笑之荆視之果有黑子令其從

學後人年遂爲九真零陵太守謝承後漢書楚國先賢傳續漢書

谷永耒陽人靈帝時爲鬱林太守建甯三年永以恩信招降烏

潯人十餘萬內屬皆受冠帶開置七縣後漢書南蠻傳縣志

區祉字景賢重安人靈帝時爲曲紅長桂陽太守周憬以武溪

驚湍激石流數百里聞通下合濱水桂陽人便之祉與憬故吏

耒陽華憂榔王鼎禧禧等建碑於滌上以旌憬德縣志

羅訓耒陽人東漢處士隱居邑之樟檜嶺明統志

永州府

奚景零陵人章帝時文學於冷道縣舜祠下得白玉瑱舜時西

王母所獻也乃獻於朝至今巖以玉瑄名異苑

辟政泉陵人安帝時杜陵朱寵為潁川太守功曹主簿皆選明經高行者以政為丞延光二年與寵及五官掾陰林等立開母

廟石闕銘增金石

支宣雅零陵人順帝時李固授荊州刺史值州部有亂固至州友宣雅及南陽鄭叔躬宋孝節皆賢者表薦之漢中士女志

曾譚泉陵人舉孝廉拜尚書郎有文才官終太常漢中士女志

蔣晉泉陵人靈帝時舉孝廉拜尚書郎後除汝南太守遷交州

刺史入奏事應對不滯拜尚書在位清直為羣僚所服楚紀

蔣嵩營浦人歷任五官掾功曹上計留為郎出為豫章平都侯

湖南通志卷一百六十人物一漢五

相子孫甚蕃其鄉名曰蔣居鄉湖廣通志

劉優零陵人少有雋聲舉孝廉獻帝時為侍御史遷御史大夫

再遷尚書右僕射朝綱無所不綜臺閣為之肅然孫敏顯於蜀

漢姓

熊尚字子高春陵人父喬字漢舉治歐陽尚書更督郡主簿五

官中郎三辟不就尚少以孝聞辟掾吏舉孝廉興平元年補桂

陽曲紅長為政果達多風烈劉表牧荊州拜尚綏民校尉雍容

蒞事聽覽如流五年去官尋拜散騎都尉灌陽長明統志

鄭產字景載泉陵人為白土鄉嗇夫漢末多事國用不足民間

生子一歲輒出口錢民多不敢舉子產乃救民勿得殺子口錢

當自代出產言於郡縣表上之錢得除更名白土為更生鄉傳

楊懷零陵人為益州牧劉璋白水軍督劉璋請蜀先主懷數諫

龐統進說先主曰楊懷高沛璋之名將聞數有賤諫璋使發遣

將軍還荊州將軍未至遣與相聞說荊州有急欲還救之並使

裝束外作歸形此二子既服將軍英名又喜將軍之去計必乘

輕騎來見將軍可因此執之進取其兵乃向成都先主然之請

璋子禪及懷酒酣先主見懷佩匕首謂懷曰將軍匕首好孤亦

有可得觀之懷與之先主得匕首謂懷曰汝小子何得開我兄

弟之好邪懷罵之未訖先主斬之蜀志龐統傳

湖南通志卷一百六十人物一漢六

寶慶府

武充竟夫夷人漢表不言籍貫按許慎汝南召陵人其子冲進

人也五世祖虎以將軍從高帝征伐有功封梁鄉侯傳國至曾

孫山柑坐爵金國除元康四年錄高帝功臣後充竟以虎元孫

之子夫夷公乘詔復家漢書功臣表

岳州府

蹇祇字宣節漢昌人靈帝建甯中以滇陽長守南平丞時桂陽

太守周憬開通瀧道水勢緩弱祇與曲紅長區社等立神漢桂

陽守功勳銘曲紅郭蒼為文立碑瀧上隸釋

常德府

王坦武陵人爲太子中庶子有燕來翔坦被令爲賦深見稱賞

傳武陵先賢

伍襲字世茂武陵人父歿羌中乃學羌語言衣服與賓客入構

諸羌令相攻襲乘其仇羌負喪而歸葬畢因居墓所每哭輒有

鹿踞墳而鳴漢法死事之孤皆拜郎中而襲不忍受吏迫之乃

掘室逃其中吏不知處宋躬孝子傳按襲實漢人而舊志列

史籍也今攷死事之孤拜郎中實漢法顧氏曰知錄攷之甚詳

則漢法非第對羌言之且御覽引宋躬孝子傳十條此條上下

皆漢時人則襲爲漢人無疑

辰州府

田強武溪夷也嘗遣長子魯居上城次子某居中城少子倉居

湖南通志卷一百六十人物一漢

下城三壘相次以拒王莽光武二十四年遣武威將軍劉尚征

之尚未至倉獲白鼈爲臚舉烽請兩兄兄至無事及尙軍來倉

舉火魯等以爲不實倉遂戰而死西陽雜俎案姓譜云田強

其子將五萬人下屯沅東各築一城烽火相應田子居中城

王子居上城倉子居下城此說未

知所據與西陽雜俎小異茲存之

郴州

胡騰字子升桂陽人漢桂陽郡治郴縣今州少師事平陵竇武

初辟州府桓帝巡狩南陽以騰爲護駕從事公卿貴戚車乘萬

計徵求費役不可勝極騰上言天子無外乘輿所幸卽爲京師

臣請以荊州刺史比司隸校尉臣自同都官從事帝從之自是

肅然莫敢妄有干請騰以此顯名靈帝初竇武爲大將軍辟爲

掾武謀誅曹節等兵敗自殺傳首洛陽都亭家屬徙日南收捕

宗親賓客騰獨殞殮行喪坐禁錮武孫輔時年二歲逃竄節等

捕之急騰匿輔於零陵界詐云已死騰因以爲己子使聘娶焉

黨錮解騰官至尙書輔後舉桂陽孝廉建安中乃還竇姓後漢書

劉常桂陽人當世名儒元嘉中郎中袁著上書論梁冀冀管殺

之以常素善於著冀召補令史以辱之後漢書

唐珍桂陽人幼時聞人讀書卽能記誦人謂神童及長天性恬

漠寡欲荊州刺史度尙甚稱重之累官太常司空姓

湖南通志卷一百六十人物一漢

程曾字孝孫桂陽人七歲亡母號慕毀悴王母哀憐嚼食哺之

知有肉味遂吐不食桂陽先賢畫贊

桂陽州

張熹字季智臨武人靈帝時以甲科任平輿令持身廉介慈惠

愛民人不敢干以私時邑大旱禱雨不應熹曰居官無善狀上

干天怒災累小民乃積柴自焚主簿侯崇小吏張化從熹焚焉

火旣舉大雨如注是年大有民就熹焚處建張明府祠遇旱禱

輒應桂陽先賢畫贊

程桓臨武人少有才藝爲九江主記掾府君爲人所誣被徵詣

臺除郎中委郎詣州乞就考於格上拔刀截舌事得清理桂陽

三國漢

長沙府

蔣琬字公琰

湘鄉人傳作零陵湘鄉人漢湘鄉縣人屬零陵郡舊志誤入永州府以州書佐隨

先主入蜀除廣都長先主嘗至廣都見琬眾事不理將加罪戮

諸葛亮請曰蔣琬社稷之器非百里之才其為政以安民為本

不以修飾為先乃不加罪先主為漢中王琬入為尚書郎建興

五年亮住漢中琬與長史張裔統留府事八年代裔為長史亮

數外出琬常足食足兵以相供給亮每言公琰託志忠雅當與

吾共贊王業者也密表後主曰臣若不幸後事宜以付琬亮卒

湖南通志

卷一百六十

人物一 三國漢

九

人物一 三國漢

以琬為尚書令領益州刺史遷大將軍封安陽亭侯時新喪元

帥遠近危悚琬無戚容亦無喜色神守舉止有如平日由是眾

望漸服延熙元年詔總帥諸軍屯漢中又命琬開府明年就加

為大司馬東曹掾楊戲素性簡略琬與言論時不應答或搆戲

於琬琬曰面從後言古人所戒戲欲贊吾是邪則非其本心欲

反吾言則顯吾之非是以默然又督農楊敏曾毀琬曰作事憤

憤誠不及前人或以白琬主者推治敏琬曰吾實不如前人無

可推也琬以昔諸葛亮數闕秦川道險運艱不若乘水東下乃

作舟船欲由漢沔襲魏上庸會舊疾連動未得行九年進屯涪

尋卒諡曰恭子斌嗣為綬武將軍漢城護軍鍾會至漢城與斌

書曰桑梓之敬古今所敦西到欲奉瞻尊太君公侯墓當灑掃

墳塋奉祀致敬願告其所在答書曰亡考昔遭疾疢亡於涪縣

卜云其吉遂安厝之知君西邁乃欲屈駕修敬墳墓視子猶父

顏子之仁也聞命感愴以增情思會得斌書報嘉歎意義及至

涪如其書云斌詣會於涪待以交友之禮斌弟顯為太子僕會

亦愛其才學蜀志本傳

衡州府

劉巴字子初涪陽人祖曜蒼梧太守父祥江夏太守盪寇將軍

巴年十八郡署戶曹史主記主簿劉先主欲遣周不疑就巴學

巴答曰昔遊荆北時涉師門記問之學不足紀名內無楊朱守

湖南通志

卷一百六十

人物一 三國漢

十

人物一 三國漢

靜之術外無墨翟務時之風猶天之南箕虛而不用賜書乃欲

令賢甥摧鸞鳳之翩遊燕雀之宇將何以啟明之哉及劉表卒

曹操征荊州先主奔江南荆楚羣士從之如雲而巴北詣曹操

操辟為掾烏林之敗曹公北還欲遣桓階招納長沙三郡階辭

不如巴巴往零陵會先主略有三郡事不成遂入交趾更姓為

張與交趾太守士燮計議不合乃由牂柯道去為益州郡所拘

留太守欲殺之主簿曰此非常人不可殺也請自送至州見益

州牧劉璋璋父焉昔為巴父祥所舉孝廉見巴驚喜每大事輒

以咨訪璋遣法正迎先主巴諫曰備雄人也入必為害不可內

也既入巴復諫曰若使備討張魯是放虎於山林也璋不聽巴

閉門稱疾先主攻成都令軍中曰其有害巴者夷三族及得巴其喜諸葛亮亦數稱薦先主辟為左將軍西曹掾亮常曰運籌策於帷幄之中吾不如子初遠矣會軍用不足先主甚憂之巴曰易耳但當籌值百錢平諸物價令吏為官市從之數月之間府庫充實先主為漢中王巴為尚書後代法正為尚書令躬履清儉不治產業又自以歸附非素懼見猜嫌恭默守靜退無私交非公事不言先主稱尊號昭告於皇天后土神祇凡諸文詔策命皆巴所作也章武二年卒蜀志本傳

永州府

賴恭零陵人才器不凡荆州牧劉表遣恭代張津為交州刺史

湖南通志卷一百六十人物三國漢 十一

吳巨代史瑁為蒼梧太守後恭與巨相失巨逐恭還零陵事先主為鎮遠將軍偕丞相亮等上書獻帝封先主為漢中王遂拜太常值曹丕篡漢上言請繼大統正尊號子玄為丞相西曹令史隨諸葛亮於漢中蚤天亮甚惜之與張裔蔣琬書曰令史失賴玄為朝中損益多矣蜀志注

劉邕字南和泉陵人蜀志楊戲傳注作義陽人而常據劉後主志言零陵劉邕南和縣人王崇蜀書與陳

壽異益本之崇書又永州舊志以劉巴為優次子道先府志斥其誤良然今按巴與邕形相涉優子始即邕舊府志益據劉氏諸葛亮之本為邕為巴李嚴之廢巴死已隨昭烈入蜀益州既久今本李嚴傳注有劉巴巴亦邕之為也隨昭烈入蜀益州既定為江陽太守建興中稍遷至監軍鎮南將軍時重察舉雖位經朝要還為秀孝丞相亮舉蔣琬茂才琬固讓邕拜後將軍賜

爵關內侯卒子式嗣少子武有文與樊建齊名官至尚書蜀志

劉敏泉陵人優之孫蔣琬外弟也善草書弱冠與琬齊名舉孝廉後主時除御史糾察名實悉當累遷為左護軍揚威將軍與

鎮北大將軍王平俱鎮漢中魏遣大將軍曹爽襲蜀時議者或謂但可守城不出拒敵必自引退敏以為男女布野農穀兩畝若聽敵入則大事去矣遂率所領與平據形勢多張旗幟彌互

百餘里會大將軍費禪從成都至魏軍即退敏以功封雲亭侯蜀志

常德府

湖南通志卷一百六十人物三國漢 十一

廖立字公淵臨沅人昭烈帝領荆州牧辟為從事擢長沙太守帝入蜀諸葛亮鎮荆土孫權遣使於亮因問土人誰相經緯亮答曰廖立楚之良才當贊興世業者也權遣呂蒙掩襲南三郡立脫身歸帝以為巴郡太守帝為漢中王徵為侍中後主襲位徙長水校尉坐怨望亮奏廢為民徙汶山郡立躬率妻子耕殖自守後終徙所蜀志

魏

長沙府

桓階字伯緒臨湘人祖超父勝皆歷典州郡勝為尚書著名南方階仕郡功曹長沙太守孫堅舉階孝廉除尚書郎堅擊劉表

戰死階冒難詣表乞堅喪表義而與之太祖定荊州辟爲丞相
掾主簿遷趙郡太守魏初爲虎賁中郎將侍中毛玠徐爽以剛
蹇少黨而西曹掾丁儀屢言其短賴階左右以自全保文帝踐
祚遷尙書令封高鄉亭侯加侍中疾病帝自臨省徙封安樂鄉
侯邑六百戶諡曰貞侯弟繁官散騎侍郎賜爵關內侯子祐早
卒次子嘉嗣尙升遷亭公主三子會嘉平中以樂安太守與吳
戰敗歿諡曰壯侯子翊嗣

魏志本傳
魏書

永州府

劉先字始宗泉陵人博學彊記尤好黃老言明習漢家典故爲
劉表別駕奉章詣許見太祖時賓客並會太祖問先劉牧如何
湖南通志卷一百六十 人物一

魏志本傳
魏書

圭

人物一

郊天先對曰劉牧託漢室肺腑處牧伯之位而遭王道未平羣
凶塞路抱玉帛而無所聘賴修章表而不獲達御是以郊天祀
地昭告赤誠太祖曰羣凶爲誰先曰舉目皆是太祖曰今孤有
熊羆之士步騎十萬奉辭伐罪誰敢不服先曰漢道陵遲羣生
懔懔既無忠義之士翊戴天子綏甯海內使萬邦歸德而阻兵
安忍曰莫已若卽蚩尤智伯復見於今也太祖默然拜武陵太
守荆州平先始爲漢尙書後爲魏尙書令

零陵先
賢傳

可與不疑爲儔及蒼舒卒太祖心忌不疑欲除之文帝諫以爲
不可太祖曰此人非汝所能駕馭也乃遣刺客殺之時年十七
著文論四首

零陵先
賢傳

吳

長沙府

桓彝臨湘人魏尙書令階弟仕吳爲尙書孫綝議廢其主亮彝
不肯署名綝怒殺之後晉武帝以吳之名臣問薛瑩瑩稱彝有
忠貞之節

三國吳志
晉春秋
吳錄

徐熙長沙人嘉禾中爲豫章太守慕徐孺子之爲人種松於其
墓墟

像章
墓墟記

湖南通志卷一百六十

人物一

吳

圭

夏隆長沙人仕郡時潘潛爲南征太守遣隆修書致禮潛飛帆
中流力所不及隆乃於岸邊拔刀大呼指潛爲賊因此被收潛
奇其以權變自通解縛賜以酒食

長沙者
舊傳

虞授字承卿長沙人善易學說易不殆時人語曰不讀經視虞
生後主皓時官至廣州督天紀三年合浦郭馬反攻殺授

吳志
沙者舊傳

衡州府

谷朗字義先耒陽人少孤事繼母以孝聞初仕郡歷右職守陽
安長升王府除郎中尙書令史郡中正遷劉陽令有惠政徵拜
立忠都尉尙書郎遷部廣州督軍校尉拜五官郎中遷大中正

有司仲子某英敏特達仕郡歷右職舉孝廉除郎中終臨海永甯侯相卒年三十有五九真太守谷明碑
羅陵未陽人果而好義郡汲府君為州誣陵被掠拷慘加五毒授刀截舌以著盤中獻之朝廷羣公義之事得清理桂陽先賢此條見太平御覽四百二十一卷引書贊原文曰朱陽羅陵考漢桂陽郡所屬無朱陽縣名疑即未陽未字之譌陵亦未詳時代書贊為吳張勝撰附錄於此

永州府

黃蓋字公覆泉陵人吳書曰故南陽太守黃子廉之後初為郡吏察孝廉辟公府孫堅舉義兵蓋從之拜別部司馬堅薨隨孫

湖南通志

卷一百六十 人物一 吳

五

策及權擢甲周旋蹈刃屠城諸山越不賁有寇難之縣輒用蓋為守長凡守九縣所在平定建安中隨周瑜拒曹操於赤壁蓋

建策曰操軍方連船艦首尾相接可燒而走也瑜用其計卒破操拜武鋒中郎將武陵蠻及長沙益陽山賊反亂蓋盡討平之曾長效命諸令長望風易節加偏將軍蓋姿貌嚴毅善於養眾事無留滯及卒國人思之圖形祠祭權稱尊號賜子柄爵關內侯吳志本傳

常德府

潘濬字承明漢壽人荊州牧劉表辟為部江夏從事時沙羨長賊穢不修濬按殺之一郡震悚後為湘鄉令治甚有名孫權并

五溪蠻叛權假濬節督軍討之斬首獲生蓋以萬數自是羣蠻衰弱一方寧靜與陸遜俱駐武昌共掌留事赤烏二年濬卒子翦嗣翦字文龍拜騎都尉後代領兵早卒翦弟祕權以姊陳氏女妻之調湘鄉令後為尚書僕射代襄陽習溫為大公平今之州都甚得州里之譽吳志本傳

澧州

車浚南平人陸遜聞浚令名請與相見謂曰早欽風彩何乃龍蟠鳳峙不肯降顧邪答曰誠知公侯敦公巨之博納尼父之善

湖南通志

卷一百六十 人物一 吳

六

誘然蜥蜴不能假重雲以昇舉鸚鵡雀不能從激風以飛揚是以無因爾時座上賓客多吳人皆相顧謂曰武陵蠻夷郡乃有此奇人也浚曰吳太伯端委之化以改被髮文身之俗今乃上挺聖主下生賢佐亦何常之有遜歎曰國其昌也乃有此人浚後歷仕至會稽太守在郡清忠值郡荒旱民無資糧表求振貸後主皓謂浚欲樹私恩時政令掎克浚與湘東太守張詠獨不出算緡吳志本傳

晉

長沙府

桓陵字元徽臨湘人階孫有名於武帝世官至滎陽太守魏志

注傳

王昌字公伯臨淮人父愆魏黃門郎漢末以使入中夏值孫氏有荆土道不得通遂與前妻息隔絕更娶妻生昌昌太始中爲東平內史及吳平昌聞前母久喪稱疾求追行前母服東平王祢以問詔集羣臣會議上制曰凡有非常當依準舊典爲之立斷今議此事稱引趙姬季隗者粗是也然後狄與晉和故姬氏得迎叔隗而下之吳寇隔塞愆與前妻終始永絕必義無兩嫡則趙衰可以專制隗氏昌爲人子豈得擅替其母且愆二妻並以絕亡其子猶後母之子昌故不應服也昌遷散騎常侍早卒弟式字公儀度遼將軍長史

晉書禮儀志增

湖南通志

卷一百六十

人物一

晉

易雄字興長瀏陽人仕郡爲主簿張昌之亂執太守萬嗣將斬

之雄與賊爭論曲直賊怒叱使牽雄斬之雄趨出自若賊又呼問之雄對如初如此者三賊乃舍之嗣由是獲免雄遂知名舉孝廉爲州主簿遷別駕後爲春陵令刺史譙王承既拒王敦將謀起兵以赴朝廷雄承符馳檄遠近列敦罪惡宣募縣境數日之中有眾千人敦遣魏父李恆攻之雄勉厲所統捍禦累旬城陷爲父所虜意氣慷慨神無懼色送到武昌敦遣人以檄示雄而數之雄曰此實有之惜雄位微弱不能救國之難今日即戮得作忠鬼乃所願也敦憚其辭正釋之尋復殺之見者莫不傷惋

晉書本傳

虞悺長沙人弟望竝有士操孝弟廉信爲鄉黨所稱而俱好臧否以人倫爲己任少仕州郡兄弟更爲治中別駕元帝爲丞相招延四方之士多辟府掾時人謂之百六揶揄亦被召恥不應譙王承臨州知其名會王敦作逆乃命悺爲長史望爲司馬督護諸軍時悺遭母喪承往弔之曰王室方難國祚阽危墨衰卽戎金革不辟其將何以教之悺曰鄱州荒敝難以進討宜收眾固守傳檄四方敦勢必分分而圖之庶可捷也湘東太守鄭澹敦之姊夫也不願遣望討之望率眾一旅直入郡斬澹以徇及魏父來攻望先登力戰而死城破悺復爲父所執將害之子弟對之號泣悺謂曰人生有死闔門爲忠義鬼亦何恨哉及王敦

湖南通志

卷一百六十

人物一

晉

平贈悺襄陽太守望榮陽太守遣謁者至墓祭以少牢

晉書本傳

桓雄長沙人少仕州郡譙王承爲湘州刺史命爲主簿王敦之逆承爲敦將魏父所執佐吏奔散雄與西曹韓階從事武延竝毀服爲僮豎隨承向武昌父見雄姿貌長者進退有禮知非凡人有畏憚之色因害之

晉書本傳

韓階長沙人性廉謹篤慎爲閭里所敬愛刺史譙王承辟爲議曹祭酒轉西曹書佐及承爲魏父所執送武昌階與武延等同心隨從在承左右桓雄被害之後二人執志愈固及承遇禍階延親營殯殮送柩還都朝夕哭奠葬畢乃還

晉書本傳

鄧竊字長真長沙人少有志氣爲鄉鄰所重常推誠行己能以

正直全於多難之時刺史譙王承命爲主簿使說甘卓卓爲

參軍欲與同行以母老辭卓而反騫有節操忠信兼識量宏遠

善與人交久而益敬太尉庾亮稱之以爲長者歷武陵始興太

守遷大司農晉書子榮傳志榮誤作少以高潔著名與南陽劉驎之

南郡劉尚公同志友善並不應州郡辟命荆州刺史桓冲卑辭

厚禮請榮爲別駕榮嘉其好賢乃起應召驎之尚公謂之曰卿

道廣學深眾所推懷忽然改節誠失所望榮笑答曰足下可謂

有志於隱而未知隱夫隱之爲道朝亦可隱市亦可隱隱初在

我不在於物尚公等無以難之後以病篤乞骸骨許之晉書

王循長沙人建昌太守王敦之難與譙王承衡陽太守劉翼等

湖南通志卷一百六十人物一晉 九

共盟誓馳檄湘州皆同義舉晉書王遜傳

王毅長沙人嘗守廣州甚得南越之情子矩字令式美姿容每

出觀者盈路初爲南平太守豫討陳恢有功遷廣州刺史次子

機字令明倣儻有度量陳恢之亂機年十七率眾擊破之嘗慕

王澄爲人澄亦雅知之以爲己亞尋用爲成都內史會澄遇害

機懼禍及就王敦求廣州不許會廣州人背刺史郭訥迎機爲

刺史機遂入廣州尋陶侃爲廣州遣督護許高討機走之病死

於道晉書本傳

徐瑋瑋者舊長沙人永嘉之亂蘇峻糾合數千家結壘於本縣

時豪傑所在屯聚峻最強遣瑋宣檄諸邑示以王化又收枯骨

葬之遠近感其恩義瑋有奴善逃知識欲爲瑋售之瑋曰奴往

當復逃豈可虛受其價廉平正直若此晉書蘇峻傳

尹虞長沙人舉孝廉慷慨有志操吾彥爲南中都督陸機兄弟

毀之虞曰自古由賤而興者乃有帝王何但公卿若何元幹侯

孝明唐儒宗張義秀等並起自寒微皆內侍外鎮人無譏者卿

以士則吾彥答詔小有不善毀之無已吾恐南人皆將去卿卿

便獨坐也於是機等意始解永嘉初虞仕至始興太守值杜弢

之亂戰歿晉書吾彥傳姓諸

衡州府

羅含字君章耒陽人曾祖彥臨海太守父綏榮陽太守含幼孤

湖南通志卷一百六十人物一晉 十

爲叔母朱所養少有志尚嘗晝臥夢一烏文采異常飛入口中

朱曰烏有文采汝後必有文章自後藻思日新弱冠州三辟不

就含父嘗宰新淦新淦人楊羨後爲州將引含爲主簿含傲然

不顧羨招致不已辭不獲而就及羨去職含送之到縣新淦人

以含舊宰之子咸致賂遺含難違而受之及歸悉封置去由是

遠近推服後爲郡功曹刺史庾亮以爲江夏從事太守謝尚與

含爲方外之好稱曰羅君章可謂湘中之琳琅尋轉州主簿桓

溫臨州又補征西參軍溫嘗使含詣尚有所檢劾含至不問郡

事與尚累日酣飲而還溫問所劾事含曰公謂尚何如人溫曰

勝我也含曰豈有勝公而行非邪溫奇其意而不責焉轉州別

晉書
本傳

龔恢武陵人惠帝時爲天水西縣令遷徙爲太守太安二年平西將軍羅尚爲李雄所破雄叔父驤斷尚運道獲恢欲降之不可恢昔爲西縣天水任回爲吏時同在驤軍中謂恢曰識故吏否恢曰識汝耳郡吏星散唯功曹楊渙侍衛回謂曰卿義人也吾力恐不能救冀君不能免卿也卿宜早去渙曰背主求生何如守義而歿遂并見殺

華陽國志

伍朝字世明武陵人少有雅操閒居樂道不修世事性好學以博士徵不就刺史劉宏薦朝爲零陵太守主者以非選例不聽尙書郎胡濟奏曰朝游心物外不屑時務守靜衡門志道日新

湖南通志

卷一百六十

人物一

晉

年過耳順而所尙無虧誠江南之奇才邱園之逸老也不加飾進何以勸善且白衣爲郡前漢有舊宜聽光顯以獎風尙奏可而朝不就終於家

晉書本傳

閻曾武陵人張茂爲涼州牧築靈鈞臺曾夜叩門呼曰武公遣我來曰何故勞百姓而築臺乎姑賊令辛巖以曾妖妄請殺之茂曰吾信勞人曾稱先君之令何謂妖乎命止作役

晉書張茂案茂

龔元之

通志氏族

字道元武陵人父登歷長沙相散騎常侍元

之好學潛默安於陋巷州舉秀才公府辟不就孝武帝下詔曰譙國戴逵武陵龔元之並高尚其操依仁游藝絜己貞鮮學宏

儒業朕虛懷久矣可竝以爲散騎常侍領國子博士所在備禮發遣郡縣敦徧苦辭疾篤不行弟子元壽亦有德操高尚不仕舉秀才及州辟召並稱疾不就孝武帝以太學博士散騎侍郎給事中累徵不起

晉書本傳

郴州

谷儉桂陽人九真太守朗之後甘卓爲湘州刺史舉儉爲秀才儉辭不獲命州厚禮遣之諸州秀才問當考試皆憚不行惟儉一人到臺遂不復策試儉恥其州少士乃表求試以高第除中郎儉少有志行寒苦自立博涉經史於時南土彫荒籍籍道息儉不能遠求師友唯在家研精雖所得實深未有名譽又恥街

湖南通志

卷一百六十

人物一

晉

西

耀取達遂歸終身不仕

晉書甘卓傳

澧州

周該天門人性果烈以義勇稱叔父級爲宜都內史亦忠節士也聞譙王承立義湘州謂該曰王敦稱兵構逆譙王克期舉義此乃烈士致死之時汝其成吾志申款於王乎該欣然奉命潛至湘州與承相見口陳至誠承大悅會敦遣其將魏父圍承甚急該乃與湘州從事周崎閒出反命俱爲父所執考之至死竟不言其故級由是獲免王敦之難

晉書本傳

車允字武子南平人曾祖浚吳會稽太守父育郡主簿太守王胡之名知人見允於童幼之中謂其父曰此兒當大興卿門可